



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sponsvs Sangvinvm

Zachmoorter, Michiel

T'Antwerpen, [1641]

Voor-nemen ende verweckinghe van den wille. Vierde deel der Meditatie.

urn:nbn:de:hbz:466:1-35954

dat-men dooz die vermaninghen
Godts gheen ghehoor te gheben
van soo vperighen goeden staet
comt te vallen in sulcke hardt-
nechtighe booshepdt.

Voor-nemen ende verweckinghe
van den wille.

Vierde deel der Meditatie.

TEn is dan niet sonder reden/
in mijn ziele / dat mijnen Godt
my soo dickmaels is roepende /
ende segghende : Zichar. i. Keert
u tot my / ende ick sal my tot u
keeren ; dat hy soo dickmaels my
is beweghende met sijn Godde-
lijcke in-sprake / om dat ick sijn
vermaninghen soude waernemen /
ghehoor gheben / niet lichtelijck en
soude voor-by laeten gaen / niet
onghehoorzaem zijn / niet weder-
staen / niet mis-prijfen / niet doo-
den / ende den **H.** Gheest uyt my
niet bannen en soude. Want nie-
mit en wordt teenemael quaet
op eenen bot / ghelijck oock nie-
mant t' seffens teenemael goet en
wordt : men daelt in den put der
sonden

sonden niet met eenen spronck/
maec allenskens met trappen.
Hebden/ mijn ziele / niet ghemerckt
dat als ghy vperigh ghebeden ende
ghemeditteert hebt! hoe veel goe-
de propoosten dat ghy ghemaecht
hebt / hoe vnerighlijck ghy aenghe-
nomen hebt van u te gaen ver-
sterben / u selben in als te buypen
te willen gaen / uwen wille in als
te versaecken / ende Godt naer-
volghen / dat als-dan den duybel
u hadde comen quellen met een
groote sonde van liden oft mur-
mureren / oft achterclap / oft on-
cuyschepdt / hy en soude niemant
t'huys ghebonden hebben / ghy en
hadt hem niet willen hoorzen / want
die Sonne der gratten bestraelde
u al te vperighlijck / die tot die
selbe Sonne gekeert zijnde / afghe-
keert waert van alle aertsche ghe-
nuchten ende sonden / daerom en
is den duybel niet ghewoone als-
dan sulcke grobe sonden booz te
houden / maec soecht de ziele met
traphens neder te bzenghen : eerst
doet hy de booz om den goeden
mensch

mensch wat te doen verflappen in
 sijn vperighe oeffeninghen / ende
 Godts teghenwoordicheydt niet
 waer te nemen ; daer naer eenen
 trap neder / om hem ober bloede-
 lijck te doen uyt-heeren met kou-
 ten / lagghen / tijdt verlies / waer-
 mede men Godts inspraecke niet
 hoorzen en kan / ende daer af hem
 van Godt berispt vindende / doet
 't selve niet veel achten noch daer
 op veel passen. Ende hier van hem
 noch vermaent vindende / niet ghe-
 hoorzaem zyn / waer van (daer-en-
 boben) wordende ghestraft / inwen-
 delijck doet hem het selve weder-
 staen. Ende dat nu somtijts ghe-
 daen hebbende / als een peert / dat
 nu den toom met de tanden vast
 heeft / comt den mensch alle de in-
 spraecken te verachten en te mis-
 prisen / ende alsoo haest alse op-
 staen met alderhande aertsche sa-
 ken te dooden / ja contrarie dick-
 maels te doen sonder achterdenc-
 ken ofte eenigh woeghen / ende so
 den gheest Godts in alle sijn werc-
 ken te bedroeben / te dooden / ende
 te

142 Den Bloedigen Bruydegom
te vernielen. Dat desen mensch
nu occasie come om te murmu-
ren oft achterclap te spreken / oft
eenighe andere sonden te doen /
hy doetse lichtelijck sonder ach-
terdencken / sonder remorse : die
hem daer af bemanen / seght hy - se
bies / scrupuleus / oft queselach-
tigh te zijn. Maer is dit nochtans
den selven niet ; die ober soo luttel
tijds niet een ydel woordt en wil-
de spreken / die niet en wilde al-
willens verstroyt wesen ? ende nu
hadde hy d' occasie / hy is bereedt
tot alle sonden / ja het is den sel-
ven. Hoe comt dat ? hy heeft de
eerste gratie wederstaen / daer van
is hy onbequamer gheworden om
die tweede ghehoor te gheben ; van
de tweede versumpt te hebben /
is hy tot de derde / de vierde / vijf-
de / ende soo voort ghetomen / soo
vecre dat den selven / die Jesum
met blijshap d' een jaer / d' een
maendt / d' een weke / ontfanghen
heeft / daer naer hem soo comt te
haeten / dat hy doende sonde op
sonde alle sijn tozmenten / gheeffe-
len /

len / croone ende cleynghypt verniet : ja leghet alle dese swaere sonden op die teere schouder's sijns Salighmakers / die daer buycht onder dat gheuwichte. Maer dien dat soo is / o Heere ! soo wil ick nu beter u Goddelijcke gratie waer-nemen / u inspraecten vol-doen / ghehoorsaem wesen / ende groot achten / nademael dat soo doende ick can boozt-gaen in alle denghden / en al waer ick als eenen duyvel / soo doende / soude eenen Enghel worden ; ende anders doende / al waer ick eenen Enghel / soude in eenen duyvel veranderen. Daerom Heere / wilt my toch stercken / ende bedwingen u gratie waer te nemen / ende in als voldoen / op dat ick u hier ghehoorsaem wesende / mach eens u volghen als een oratoosel Lam-meken. Amen.

D E N W E G H.

CHristus is met 't Cruyce voortsghegaen tot tachten tigh treden

D E